

摛藻堂四庫全書薈要

集部

欽定四庫全書
欽定全唐詩卷一百二十一

集部

御定全唐詩卷一百十六

張子容

張子容先天二年擢進士第為樂城尉與孟浩然友善
詩一卷

春江花月夜二首

林花發崕口氣色動江新此夜江中月流光花上春分
明石潭裏宜照浣紗人

交甫憐瑤珮仙妃難重期沈沈綠江晚惆悵碧雲姿初
逢花上月言是弄珠時

雲陽驛陪崔使君邵道士夜宴

一尉東南遠誰知此夜歡諸侯傾皂蓋仙客整黃冠染
翰燈花滿飛觴雲氣寒欣承國士遇更借美人看

除夜樂城逢孟浩然

遠客襄陽郡來過海岸家樽前一作開柏葉酒燈發九枝
花妙曲達盧女高才得孟嘉東山行樂意非是競繁一作

奢華

送蘇倩遊天台

靈異尋滄海笙歌訪翠微江鷗迎共一作近狎雲鶴待將
飛琪樹嘗一作攀仙果瓊樓一作枝試羽衣遙知神女問獨
怪阮郎歸

泛永嘉江日暮迴舟

無雲天欲暮輕一作轉鷁大江清歸路煙中遠迴舟月上
行傍潭窺竹暗出嶼見沙明更值微風起乘流絲管聲

永嘉即事寄贛縣袁少府瓘

山繞樓臺出谿通里閈斜曾為謝客郡多有逐臣家海氣朝成雨江天晚作霞題書報賈誼卑濕似長沙

樂城歲日贈孟浩然

一作王維詩

土地窮甌越風光肇建寅插桃銷瘴癘移竹近堦墀半是吳風俗仍為楚歲時更逢習鑿齒言在漢川湄

永嘉作

拙宦從江左投荒更海邊山將孤嶼近水共惡谿連地

濕梅多雨潭蒸竹起煙未應悲晚髮炎瘴苦華年

送孟八浩然歸襄陽二首

東越相逢地西亭送別津風潮看解纜雲

一作海一作雪一作雨

去愁人鄉在桃林岸山

一作江

連楓樹春因

一作長

懷故園

意歸與孟家隣

杜門不欲

一作復

出久與世情疎以此為長策勸君歸舊

廬醉歌田舍酒笑讀古人書好是一生事無勞獻子虛

此篇一作

王維詩

貶樂城尉日作

竄謫邊窮海川原近惡谿有時聞虎嘯無夜不猿啼地暖花長發巖高日易低故鄉可憶處遙指斗牛西

自樂城赴永嘉枉路泛白湖寄松陽李少府

西行礙淺石北轉入谿橋樹色煙輕重湖光風動搖百花亂飛雪萬嶺疊青霄猿挂臨潭篠鷗迎出浦橈惟應賞心客茲路不言遙

九日陪潤州邵使君登北固山

五馬向西

一作山

椒重陽坐麗譙徐州帶綠水楚國在青

霄張幕連江樹開筵接海潮凌雲詞客語迴雪舞人嬌

一腰作梅福慙仙吏羊公賞下僚新豐酒舊美況是菊花

朝

壁池望秋月

涼夜窺清沼池空水月秋滿輪沈玉鏡半魄落銀鈎蟾
影搖輕浪菱花渡淺流漏移光漸潔雲斂色偏浮似璧
悲三獻疑珠怯再投能持千里意來照楚鄉愁

長安早春

一作孟浩然詩

開國維

一作移

東井城池起

一作對

北辰咸歌太平日共樂

建寅春雪

一作雲

盡黃

一作青

山樹冰開黑水津

一作濱

草迎

金埒馬花伴

一作醉

玉樓人鴻漸看無數鶯歌

一作聲

聽欲

頻何當桂枝擢還及柳條新

贈司勲蕭郎中

作相開黃閣為郎奏赤墀君臣道合體父子貴同時國
以推賢答家無內舉疑鳳池真水鏡蘭省得華滋未覩

風流日先聞新一作所賦詩江山清謝朓花木媚丘遲吏

部來何暮王言念在茲丹青無不可霖雨亦相期昔我
投荒處孤煙望島夷羣鷗終日狎落葉數年悲漁父留
歌詠江妃入興詞今將獻知已相感勿吾欺

巫山

巫嶺峩峩天際重佳期宿昔願相從朝雲暮雨連天暗
神女知來第幾峰

除日

臘月今知晦流年此夕除拾樵供歲火帖牖作春書柳
覺東風至花疑小雪餘忽逢雙鯉贈言是上冰魚

御定全唐詩卷一百十六

謹案卷一百十一第五頁後一行扈從南出雀鼠
谷之作刊本雀鼠訛鼠雀今改

卷一百十六第二頁後三行卑濕似長沙刊本卑
訛此據別本改

總校官庶吉士臣張能照

校對官檢討臣蕭九成

謄錄監生臣魏世鴻

謄錄貢生臣郭棣泰

欽定四庫全書會要

集部

御定全唐詩卷一百二十二

十七至二十二

詳校官候補道督經歷臣郭祚熾



欽定四庫全書
御定全唐詩卷一百五十二

集部

御定全唐詩卷一百五十二

張旭

張旭蘇州吳人嗜酒善草書每醉後號呼狂走乃下筆或以頭濡墨而書既醒自視以為神世呼為張颠初仕為常熟尉自言始見公主擔夫爭道又聞鼓吹而得筆法意觀公孫大娘舞劍器乃盡其神時以李白歌詩旭草書及裴旻劍舞為三絕詩六首

清谿泛舟

旅人倚征櫂薄暮起勞歌笑攬清谿月清輝不厭多

桃花谿

隱隱飛橋隔野煙石磯西畔問漁船桃花盡日隨流水
洞在清谿何處邊

山行留客

山光物態弄春輝莫為輕陰便擬歸縱使晴明無雨色
入雲深處亦沾衣

春遊值雨

欲尋軒檻列清尊
江上煙雲向晚昏
須倩東風吹散雨
明朝却待入華園

春草

春草青青萬里餘
邊城落日見離居
情知海上三年別
不寄雲間一紙書

柳

濯濯煙條拂地垂
城邊樓畔結春思
請君細看風流意

未減靈和殿裏時

賀朝

賀朝越州人官止山陰尉詩八首

南山

一作賀
朝清詩

湖北雨初晴湖南山盡見巖巖石帆影如得海風便仙
穴茅山峯彩雲時一見邀君共探此異錄殘幾卷

孤興

晴日暖珠箔天桃色正新紅粉青鏡中娟娟可憐喚君

子在遐險蕙心誰見珍羅幕空掩畫玉顏靜移春江瑟
語幽獨再三情未申黃鵠千里翅芳音遲所因

從軍行

朔胡乘月寇邊城軍書插羽刺一作賜中京天子金壇拜

飛將單于玉塞振佳兵騎射先鳴推任俠龍韜決勝佇
時英聞有河湟客愔愔理帷帯常山啟霸圖氾水先天
策銜珠浴鐵向桑乾釀旗膏劒指烏丸鳴雞已報關山
曉來雁遙傳沙塞寒直為甘心從苦節隴頭流水嗚嗚

咽邊樹蕭蕭不覺春天山漠漠長飛雪魚麗陣接塞雲
平雁翼營通海月明始看晉幕飛鶩入旋聞齊壘啼烏
聲自從一戍燕支山春光幾度晉陽關金河未轉青絲
騎玉筋應啼紅粉顏鴻歸燕相續池邊芳草綠已見氛
清細柳營莫更春歌落梅曲烽沈竈減靜邊亭海晏山
空肅已寧行望鳳京旋凱捷重來麟閣畫丹青

賦得遊人久不歸

一作劉孝孫詩
又作賀朝詩

鄉關眇天末引領悵懷歸羈旅久淫滯物色屢芳菲稍

覺出意盡行看蓬鬢稀如何千里外佇立霑裳衣

宿香山閣

一作賈彥璋詩

暝上

一作望

春山閣梯雲宿半空軒窗閉潮海枕席拂煙

虹朱網防棲鵠紗燈護夕蟲一聞雞唱曉已見日瞳瞳

贈酒店胡姬

胡姬春酒店弦管夜鏘鏘紅鋪新月貂裘坐薄霜玉盤初鱠鮆金鼎正烹羊上客無勞散聽歌樂世娘

賦得春鶯送友人二首

一作劉孝孫詩題作一首後四句在前

翅掩飛鶯舞啼惱婕妤悲料取金閨意因君問所思

流鶯拂繡羽二月上林期待雪銷金禁銜花向玉墀

萬齊融

萬齊融越州人官崑山令詩四首

按舊唐書文苑傳云
神龍中賀知章與賀

朝萬齊融張若虛邢巨包融俱以吳越之士文辭俊秀
名揚於上京人間往往傳其文朝萬止山陰尉齊融崑
山令蓋以萬字屬上文作賀朝萬及考唐人所
選國秀搜玉二集俱作萬齊融賀朝今仍之

三日一作上已綠潭篇

春潭滉漾接隋宮宮闕連延潭水東蘋苔一作芷嫩色涵

波綠桃李新花照底水

一作

紅垂菱布藻如妝鏡麗日晴

天相照暎素影沈沈

一作顥顥

對蝶飛金沙礫礫窺魚泳佳

人祓禊賞韶年傾國傾城併可憐拾翠總來芳樹下踏

青爭繞綠潭邊公子王孫恣遊翫沙陽

一作場

水曲情無

厭禽浮似挹羽觴杯鱗躍疑投水心劒金鞍玉勒騁輕

肥落絮紅塵擁路飛綠水殘霞催席散畫樓初月待人

歸

仗劍行

昨夜星官動紫微
今年天子用武威
登車一呼風雷動
遙震陰山撼巍巍
胡騎子當見旄頭蝕
應死願騎單馬
伐天威接取長繩縛
虜歸仗劍遙叱路
旁子匈奴頭血濺君衣

贈別江頭

東南飛鳥處言是故鄉
天江上風花晚君行定幾千計
程頻破月數別屢開年
明歲潯陽水相思寄采蓮

送陳七還廣陵

風流誰代

一作氏

予雖有舊無雙歡酒言相送愁弦意不

降落花馥河道垂楊拂水窗海潮與春夢朝夕廣陵江

邢巨

邢巨揚州人開元七年中文辭雅麗科官監察御史詩

二首

遊春

海岳三峯古春皇二月寒綠潭漁子釣紅樹美人攀弱
蔓環沙嶼飛花點石闊谿山遊未厭琴酌弄晴灣

遊宣州琴谿同武平一作

靈谿非人迹仙意素所秉鱗嶺森翠微澄潭照秋景

張若虛

張若虛揚州人兗州兵曹與賀知章張旭包融號吳中

四士詩二首

春江花月夜

春江潮水連海平海上明月共潮生灔灔隨波千萬里

一 何處春江無月明江流宛轉遙芳甸月照花林皆
項 作 何處春江無月明江流宛轉遙芳甸月照花林皆

似霰空裏流霜不覺飛汀上白沙看不見江天一色無
纖塵皎皎空中孤月輪江畔何人初見月江月何年初
照人人生代代無窮已江月年年祇相似不知江月待
何人但見長江送流水白雲一片去悠悠青楓浦上不
勝愁誰家今夜扁舟子何處相思明月樓可憐樓上月
襄回應照離人妝一作玉鏡臺玉遮一作戶簾中卷不去擣
衣砧上拂還來此時相望不相聞願逐月華流照君鴻
雁長飛光不度魚龍潛躍水成文昨夜閒潭夢落花可

憐春半不還家江水流春去欲盡江潭落月復西斜斜
月沈沈藏海霧碣石瀟湘無限路不知乘月幾人歸落
月搖情滿江樹

代答閨夢還

關塞年華早樓臺別望違試衫著暖氣開鏡覓春暉燕
入窺羅幕蜂來上畫衣情催桃李豔心寄管弦飛妝洗
朝相待風流暝不歸夢魂何處入寂寂掩重扉

薛業

薛業天寶間處士西遊廬山趙補闕驛王侍御定張評
事有略各以文為贈獨孤及嘗稱其敦於詩困於學敏
於行口弗言祿祿亦不及識其真者以為永歎詩二首

洪州客舍寄柳博士芳

去年燕巢主人屋今年花發路旁枝年年為客不到舍
一作歸去舊國存亡那得知胡塵一起亂天下
一作下亂天何處

春風無別離

晚秋贈張折衝

此公事

制舉

都尉今無事時清但閑關夜霜戎馬瘦秋草射堂

一作鵬

作

閒位以穿楊得名因折桂還馮唐真不遇歎息鬢毛斑

御定全唐詩卷一百十七

欽定四庫全書
欽定全唐詩卷一百十八

集部

御定全唐詩卷一百十八

孫逖

孫逖河南人開元中三擅甲科擢左拾遺表舉幕職入
為集賢院修撰改考功員外郎遷中書舍人典詔誥判
刑部侍郎終太子詹事謚曰文集二十卷今編詩一卷

和左司張員外自洛使入京中路先赴長安逢
立春日贈韋侍御一作郎等諸公

拜郎登省闈奉使馳車乘遙瞻使者星便是郎官應臺

妙時相許

一作放言

皇華德彌稱二陝聽風謠三秦望形勝

此中睽益友是日多詩興寒盡歲陰催春歸物

一作日

華

證

和登會稽山

稽山碧湖上勢入東溟盡煙景晝清明九峯爭隱嶙望
中厭朱紱俗內探玄牝野老聽鳴鶡山童擁行軒仙花
寒未落古蔓柔堪引竹磽入山

一作霜

多松崖向天近雲

從海天去日就江村隕能賦丘嘗聞和歌參不敏冥投
信冲漠多士期標準願奉濯纓心長謠反招隱

送楊法曹按括州

東海天台山南方縉雲驛一作國溪澄一作澄清問人隱巖險
煩登陟潭壑隨星使軒車繞春色儻尋琪樹人為報長
相憶

葛山潭

圓潭寫流月晴明涵萬象仙翁何時還綠水空蕩漾涼

哉草木腓白露沾人衣猶醉空山裏時聞笙鶴飛

丹陽行

丹陽古郡洞庭陰落日扁舟此路尋傳是東南舊都處
金陵中斷碧江深在昔風塵起京都亂如燬雙闕戎虜
間千門戰場裏傳聞一馬化為龍南渡衣冠亦願從石
頭橫帝里京口拒戎鋒青楓林下迴天蹕杜若洲前轉
國容都門不見河陽樹輦道唯聞建業鐘中原悠悠幾
千里欲掃攬捨未云已英雄傾奪何紛然一盛一衰如

逝川可憐宮觀重江裏金鏡相傳三百年自從龍見聖
人出六合車書混為一昔年王氣今何在併向長安就
堯日荆榛古木閑荒阡共道繁華不復全赤縣唯餘江
樹月黃圖半入海人煙暮來山水登臨遍覽古愁吟淚
如霰唯有空城多白雲春風淡蕩無人見

山陰縣西樓

都邑西樓芳樹間逶迤霽色遶江山山一作海月夜從公
署出江雲晚對訟庭還誰知春色朝朝好二月飛花滿

江草一見湖邊楊柳風遙憶青青洛陽道

夜宿浙江

扁舟夜入江潭泊露白風高

一作秋

氣蕭索富春渚上潮

未還天姥岑邊月初落煙水茫茫多苦辛更聞江上越

人吟洛陽城闕何時見西北浮雲朝暝深

春日留別

春路逶迤花柳前孤舟晚泊就人煙東山白雲不可見
西陵江月夜娟娟春江夜盡潮聲度征帆遙從此中去

越國山川看漸無可憐愁思江南樹

奉和四月三日上陽水窗賜宴應制得春字

今日逢初夏歡遊續舊旬氣和先作雨恩厚別成春鳳
吹臨清洛龍輿下紫宸此中歌在藻還見躍潛鱗

奉和登會昌山應制

巖證列雲旗吾君訪道時乾行萬物覩日馭一作駐六龍
遲望遠迴天顧登高動睿詞願因山作壽長保會一作運

正月十五日夜應制一作沈

洛城一作陽

三五夜天子萬年春綵仗移雙闕瓊筵會九

賓舞成蒼頡字燈作法王輪不覺東方日一作白遙垂一作作

隨御藻一作柳新

奉和御製登鴛鴦樓即目一作應制

日

玉輦下離宮瓊樓上半空方巡五年狩更闢四門聰井邑觀秦野山河念禹功停鑾留睿作軒檻起南風

進船泛洛水應制

一作薛春愁詩

禁園紓睿覽仙櫂叶時游洛北風花樹江南彩畫舟芳
生蘭蕙草春入鳳凰樓興盡離宮暮煙光起夕流

和常州崔使君寒食夜

聞道清明近春庭

一作闌

向夕闌行遊畫不厭風物夜宜

看斗柄更初轉梅香暗裏殘無勞秉華燭清

一作晴

月在

南端

和韋兄

一作韋尚書

春日南亭宴兄弟

兄在京

臺閣升高位園林隔舊鄉忽聞歌棣萼還比報瓊芳門

向宜春近郊連御宿長德星常有會相望在文昌

奉和崔司馬遊雲門寺

繫馬清溪樹禪門春氣濃香臺花下出講坐竹間逢覺
路山童引經行谷鳥從更言窮寂滅回策上南峯

酬萬八賀九雲門下歸溪中作

晚從靈境出林壑曙雲飛稍覺清溪盡回瞻畫刹微獨
園餘興在孤櫂宿心違更憶登攀處天香滿盈一作袖歸

春初送呂補闕往西嶽勒碑得雲字

刻石記天文朝推谷子雲篋中緘聖札巖下揖神君語
別梅初豔為期草欲薰往來春不盡離思莫氛氤

送越州裴參軍充使入京

日落川徑寒離心苦未安客愁西向盡鄉夢北歸難霜
果林中變秋花水上殘明朝渡江後雲物向南看

送周判官往台州

吾宗長作賦登陸訪天台星使行看入雲仙意轉催飲
冰攀璀璨驅傳歷莓苔日暮東郊別真情去不回

送魏騎曹充宇文侍御判官分按山南

雲雨陽臺

一作臺南

路光華驛騎巡勸農開夢土恤隱惠荆

人樓迴吟黃鶴江長望白蘋觀風布明詔更是漢南春

送蘇郎中綰出佐荊州

神仙久留滯清切佇飛翻忽佐南方牧何時西掖垣高
車自蘭省便道出荆門不見河梁別空銷郢路魂

冬末送魏起居赴京

大名將起魏良史更逢遷驛騎朝丹闕闕亭望紫煙西

京春色近東觀物華偏早赴王正月揮毫記首年

送李補闕攝御史充河西節度判官

昔年叨補袞邊地亦埋輪官序慙先達才名畏後人西
戎雖獻款上策恥和親早赴前軍一作軍戎幕長清外域塵

送趙

一作許

評事攝御史監軍嶺南

議獄持邦典臨戎假憲威風從閭閻去霜入洞庭飛篁
竹迎金鼓樓船引繡衣明年拜一作降真月南斗使星歸

送靳十五侍御使蜀

天使出霜臺行人擇吏才傳車春色送離輿夕陽催驛
遶巴江轉關迎劍道開西南一何幸前後二龍來

送李給事歸徐州覲省

列位登青瑣還鄉復綵衣共言晨省日便是畫遊歸春
水經梁宋晴山入海沂莫愁東路遠四牡正駢駢

送杜侍御赴上都

避馬臺中貴登車嶺外遙還因貢賦禮來謁大明朝地
入商山路鄉連渭水橋承恩返南越尊酒重相邀

送張環攝御史監南選

漢使得張綱威名攝遠方恩霑柱下史榮比選曹郎江
帶點中澗山連峽水長莫愁炎暑地秋至有嚴霜

宴越府陳法曹西亭

公府西巖下紅亭間白雲雪梅初度臘煙竹稍迎曛水
木涵澄景簾櫳引麝氣江南歸思逼春鴈不堪聞

同邢判官尋龍湍觀歸湖中

星使下仙一名天京雲湖喜麝晴更從探穴處還作櫂歌

行絲管荷風入簾帷竹氣清莫愁歸路遠水月夜虛明

尋龍湍

仙穴尋遺跡輕舟愛水鄉溪流一曲盡山路九峯長漁父歌金洞江妃舞翠房遙憐葛仙宅真氣共微茫

宿雲門寺閣

香閣東山下煙花象外幽懸燈千嶂夕卷幔五湖秋畫壁餘一作飛鴻雁紗窗宿斗牛更疑天路近夢與白雲遊

揚子江樓

揚子何年邑雄圖作楚關江連二妃渚雲近八公山驛
道青楓外人煙綠嶼間晚來潮正滿數處落帆還

淮陰夜宿二首

水國南無畔扁舟北未期鄉情淮上失歸夢郢中疑木
落知寒近山長見日遲客行心緒亂不及洛陽時

永夕卧煙塘蕭條天一方秋風淮水落寒夜楚歌長宿
莽非中土鱸魚豈我鄉孤舟行已倦南越尚茫茫

下京口埭夜行

孤帆度綠氛寒浦落紅曛江樹朝來出吳歌夜漸聞南
溟接潮水北斗近鄉雲行役從茲去歸情入鴈羣

山行遇雨

驟雨晝氤氲空天望

一作夜

不分暗山唯覺電窮海但生

雲涉澗猜行潦緣崖畏宿氛夜來江月霽櫂唱此中聞

夜到潤州

夜入

一作到

丹陽郡天高氣象秋海隅雲漢轉江畔火星

流城郭傳金柝閭閻閉綠洲客行凡幾夜新月再如鉤

和常州崔使君詠後庭梅二首

聞唱梅花落江南春意深更傳千里外來入越人吟弱
幹紅妝倚繁香翠羽尋庭中自公日歌舞向芳陰

梅院重門掩遙遙歌吹邊庭深人不見春至曲能傳花
落彈棋處香來薦枕前使君停五馬行樂此中偏

同和詠樓前海石榴二首

客自新亭郡朝來數物華傳君妓樓好初落海榴花露
色珠簾映香風粉壁遮更宜林下雨日晚逐行車

海上移珍木樓前詠所思遙聞下車日正在落花時舊
綠香行蓋新紅洒步綦從來寒不易終見久逾滋

故右丞相贈太師燕文貞公挽詞二首

海內文章伯朝端禮樂英一言興寶運三入濟羣一作蒼

生命與才相偶年將位不并台星忽已坼流慟軫皇情

甲第三重一作長 戰高門四列侯已成冠蓋里更有鳳皇

樓人世方為樂生涯遽若休空餘一作為 掌綸地傳慶百

千秋

故陳州刺史贈兵部尚書韋公挽詞

奕葉金章貴連枝鼎位尊台庭為鳳穴相府是鵠原世
閥空悲命泉幽不返魂惟餘漢臣史繼術贊韋門

故程將軍妻南陽郡夫人樊氏挽歌

德配程休甫名高魯季姜寵榮蒼玉珮宴夢一作蔓鬱金

堂白日期偕老幽泉忽悼亡國風猶在詠江漢近南陽
和上已連寒食有懷京洛

天津御柳碧遙遙軒騎相從半下朝行樂光輝寒食借

太平歌舞晚春饒紅妝樓下東郊道青草洲邊南渡橋
坐見司空掃西第看君侍從落花朝

和左司張員外自洛使入京中路先赴長安逢
立春日贈韋侍御等諸公

忽覩雲間數鴈回更逢山上正一作花開河邊淑氣迎

芳草林下輕風待落梅秋憲府中高唱入春卿署裏和

歌一作詩來共言東閣招賢地自有西征謝傅一作賦才

和崔司馬登稱心山寺

郡府乘休日王城訪道初覺花迎步履香草藉行車倚

閣觀無際尋山坐

一作盡

太虛巖空迷禹跡海靜望秦餘

翡翠巢珠網鵠雞間綺疏地靈資淨土水若護真如寶

樹誰攀折禪雲自卷舒晴分五湖勢煙合九夷

一作疑

居

生滅紛無象窺臨已得魚嘗聞寶刀贈今日奉瓊琚

奉和李右相中書壁畫山水

廟堂多暇日山水契中

一作真

情欲寫高深趣還因藻繪

成九江臨戶牖三峽遶檐楹花柳窮年發煙雲逐意生

能令萬里近不覺四時行氣染荀香馥光含樂鏡清詠

歌齊出處圖畫表冲盈自保千年遇何論八載榮

李公
詩云

八載忝
司存

奉和李右相賞會昌林亭

賢相初陪蹕靈山本降神作京雄近縣開閣寵平津地

勝林亭好時清宴賞頻百泉紫

一作榮

草木萬卉布郊畛

德與春和盛功將造化隣還嗤渭濱叟歲晚獨垂綸

和左衛武倉曹衛中對雨創

一作

韻贈右衛李

騎曹

二人同
任校書

林父同官意宣尼久敬文場刊玉篆武事掌金鏡道
合宜連茹時清豈繁匏克勤居簿領多暇屏讒饒美酒
懷公讌玄談俟客嘲薄雲生北闕飛雨自西郊院暑便
清曠庭蕪覺漸芭高門闕詎閉逸韻柱難膠枳棘鸞無
歎椅梧鳳必巢忽聞徵並作觀海媿堂坳

送新羅法師還國

異域今無外高僧代所稀苦心歸一作窮寂滅宴坐得精

徵持鉢何年至傳燈是日歸上卿揮別藻一作操中禁下禪衣海闊杯還度雲遙錫更飛此行迷處所何以慰虔祈

送趙大夫護邊一作送趙都護赴安西

外域分都護中臺命職方欲傳清廟略先一作為取劇曹郎已佩登壇印猶懷伏奏香一作章

一作百壺開祖

一作錢駟

曹郎已佩登壇印猶懷伏奏香一作章

一作百壺開祖

一作錢駟

曹郎已佩登壇印猶懷伏奏香一作章

一作百壺開祖

一作錢駟

曹郎已佩登壇印猶懷伏奏香一作章

漢月戈劒宿胡霜體國才先著論兵策復長果持文武

術還繼杜晉一作當陽

立秋日題安昌寺北山亭

樓觀倚長宵登攀及霽朝高如石門頂勝擬赤城標天
路雲虹近人寰氣象遙山圍一作清伯禹廟江落伍胥潮

一作清

徂暑迎秋薄涼風是日飄果林餘苦李萍水覆甘蕉覽
古嗟夷漫凌空愛泬寂一作寥更聞金刹下鐘梵晚蕭蕭

登越州城

越嶂繞層城登臨萬象清封圻滄海合鄼市碧湖明曉

日漁歌滿芳春
櫂唱行山風吹搖一作美箭田雨潤香杭
代閑英靈盡人間
吏隱并贈言王逸少已見曲池平

江行有懷

秋水明川路輕舟轉石折霜多山橋熟寒至浦禽稀飛
席隨風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

長洲苑

吳黃武中此地校獵

吳王初鼎峙羽獵騁雄才輦道闔門出軍容茂苑來山

從列嶂

一作障

轉江自遶林迴劍騎緣汀入旌門隔嶼開

合離紛若電馳逐溢成雷勝地虞人守歸舟漢女陪可

憐夷漫處猶在洞庭隈山靜吟猿父

一本缺

城空應雉媒

戎行委喬木馬跡盡黃埃攬涕問遺老繁華安在哉

和詠解署有櫻桃

上林大禁裏芳樹有紅櫻江國今來見君門春意生香
從花綬轉色繞佩珠明海鳥銜初實吳姬掃落英切將
稀取貴羞與衆同榮為此堪攀折芳蹊處處成

同洛陽李少府觀永樂公主入蕃

遍地鶯花少年來未見新美人天上落龍塞始應春

途中口號

鄴城東北望陵臺珠翠繁華去不迴無復新妝豔紅粉
空餘故龍滿青苔

晦日湖塘

吉日初成晦方塘遍是春落花迎二月芳樹歷三旬公
子能留客巫陽好解神夜還何慮暗秉燭向城闕

白

野煙出爐上山花落鏡中

廬山見詩式

御定全唐詩卷一百十八

欽定四庫全書
欽定全唐詩卷一百四十四

集部

御定全唐詩卷一百十九

崔國輔

崔國輔吳郡人開元中應縣令舉授許昌令累遷集賢直學士禮部員外郎後坐事貶晉陵郡司馬詩一卷

從軍行

塞北胡霜下營州索兵救夜裏偷道行將軍馬亦瘦刀光照塞月陣色明如畫傳聞賊滿山已共前鋒鬪

雜詩

逢著平樂兒論交鞍馬前與酣
一作酒恰用十千
錢後余在關內作事多速遭何肯相救援

一作何處徒肯相救

聞寶劍篇

古意

紅荷楚水曲彪炳爍晨霞未得兩回摘秋風吹却花時
芳不待妾玉珮無處誇悔不盛年時嫁與青樓家

宿法華寺

松雨時復滴寺門清且涼此心竟誰證回憩支公牀壁
畫感靈跡龕經傳異香獨遊寄象外忽忽歸南昌

題豫章館

楊柳映春江江南轉佳麗吳門綠波裏越國青山際遊
宦常往來津亭暫臨憩驛前蒼石沒浦外湖沙細向晚
宴且久孤舟同然逝雲留西北客氣歇東南帝獨有萋
萋心誰知怨芳歲

石頭灘一作瀨

悵矣秋風時余臨石頭瀨因高見遠境一作超遠盡此數州

內一作望盡
此州內羽山數一作點青海岸雜光一作碎離離

樹木少漭漭湖波一作森波大日暮千里帆南飛落天外

須臾遂入夜楚色有微靄尋遠跡一作路已窮遺榮事多

昧一身猶未理安得濟時代且泛朝夕潮荷衣蕙為帶

漂母岸

泗水入淮處南邊古岸存秦時有漂母於此飯一作饋王

孫王孫初未遇寄食何一作足論後為楚王來黃金一作王

誓

答母恩事跡遺在此空傷千載魂茫茫水中渚上有

一孤墩

一作寒洲添未解荒羸草空繁

遙望不可到蒼蒼煙樹昏幾年

崩塚色每

一作暮

日落潮痕古地多墮圮時哉不敢言向

夕淚霑裳遂

一作只

宿蘆洲村

對酒吟

行行日將夕荒村古塚

一作路

無人跡蒙籠荆棘一鳥吟

飛

一作

屢唱

一作勸

提壺沽酒喫古人不達酒不足遺恨精

靈傳此曲寄言世上

當代

諸少年平生且盡杯中醲

奉和華清宮觀行香應制

天子藥

一作藻

珠宮樓臺碧落通豫遊

皆汗漫齋處即崆

峒雲物三光裏君臣一氣中道言何足說寶歷自無窮

七夕

太守仙潢族含情七夕多扇風生玉漏置水寫銀河閣
下陳書籍閨中曝綺羅遙思漢武帝青鳥幾時過

宿范浦

月暗潮又落西陵渡暫停村煙和海霧舟火亂江星路

轉定山遼

一作遠

塘連范浦橫鷗夷近何去空山臨滄溟

奉和聖製上巳祓禊應制

元巳秦中節吾君灞上遊鳴鑾通禁苑別館達芳洲
鶩鷺千官列魚龍百戲浮桃花春欲盡穀雨夜來收慶向
堯樽祝歡從楚棹謳逸詩何足對宵作掩東周

九日侍宴應制

運偶千年聖時傳九日神堯樽列鐘鼓漢闕闢鉤陳金
籙三清降瓊筵五老巡始驚蘭佩出復詠柏梁新雲鴈

樓前晚霜花酒裏春歡娛無限極書劒太平人

杭州北郭戴氏荷池送侯渝

秋近萬物蕭
况當臨水時
折花贈歸客
離緒斷荷絲
誰謂江國永
故人感在茲
道存過北郭
情極望東菑
喬木故園意
鳴蟬窮巷悲
扁舟竟何待
中路每遲遲

怨詞二首

妾有羅衣裳
秦王在時作
為舞春風多
秋來不堪著

樓頭一作前
桃李疎池上
芙蓉落織錦
猶未成蛩聲入羅

幕

古意二首

玉籠薰繡裳著罷眠洞房不能
種棘遮靡蕪畏人來采一作摘春風裏吹却蘭麝香
發

襄陽曲二首

蕙草嬌紅萼時光舞碧雞城中美年少相見白銅鞮
少年襄陽地來往襄陽城城中輕薄子知妾解秦箏

魏宮詞

朝日照

一作點

紅妝擬上銅雀臺

畫眉猶未了一

竟

一作魏帝

使人催

長信草

一作長信宮

一作婕妤怨

長信宮中草年年愁處生故

時一作

侵珠履跡不使玉階

行

長樂少年行

一作古意

遺却珊瑚鞭白馬驕不行

章臺折楊柳春日一作草

路傍

情

湖南曲

一作古意

湖南送

一作與

君去

一作別

湖北送

一作憶

君歸湖裏鴛鴦鳥

一作起
雙雙他自飛

中流曲

一作古意

歸時

一作來

日尚早更欲向芳洲渡口水流急迴船不自

由

王孫遊

自與王孫別頻看黃鳥飛應由春草誤著處不成歸

采蓮曲

玉漱花爭發金塘水亂流相逢畏相失並著采蓮舟

子夜冬歌

寂寥抱冬心裁羅又一作文 裳
聚聚夜久頻挑燈霜寒剪刀

冷

麗人曲

紅顏稱絕代欲並真無侶獨有鏡中人由來自相許

小長干曲

月暗送潮一作湖 風相尋路不通菱歌唱不徹知在此塘中

王昭君一作吟

歎曲

漢使南還盡胡中妾獨存紫臺綿望絕秋草不堪論

秦女卷衣

一作妾薄命

雖入秦帝宮不上秦帝牀夜夜玉窗裏與他卷衣一作羅裳

今別離

送別未能旋相望連水口船行欲映洲幾度急搖手

衛豔詞

淇上桑葉青青樓舍白日比時遙望君車馬城中出

渭水西別李峴

一作
李峴

隴右一作外長亭堠山陰古塞秋不知嗚咽水何事向西

流

古意

淨掃黃金階飛霜皎

一作厚

如雪下簾彈箜篌不忍見秋

月

送韓十四被魯王推遞往濟南府

西候情何極南冠怨有餘梁王雖好事

一作士

不察獄中

書

白紵辭二首

洛陽梨花落

一作

白如霰河陽桃葉生復齊坐惜

一作愁又作恐

玉舞

一作舞

樓春欲盡紅綿粉絮裏妝啼

此首一作

香風詞

董賢女弟在椒風窈窕繁華貴後宮壁帶金釭皆翡翠
一朝零落變成空

九日

江邊楓落菊花黃少長登高一望鄉九日陶家雖載酒
三年楚客已霜裳

王昭君

一回望月一回悲望月月移人不移何時得見漢朝使
為妾傳書斬畫師

欽定四庫全書

御定全唐詩

卷一百十九

御定全唐詩卷一百十九

欽定四庫全書薈要卷一萬七千五百二十五

集部

御定全唐詩卷一百二十

崔珪

崔珪貝丘人開元中官太子詹事與兄中書舍人琳弟光祿卿璠俱列棨戟世號三戟崔家詩一首

孤寢怨

征戍動經年舍情拂玳筵花飛織錦處月落擣衣邊燈暗愁孤坐牀空怨獨眠自君遼海去玉匣閉春弦

楊浚

楊浚官校書郎開元中嘗作聖典三卷上之詩三首

題武陵一作臨草堂

草堂列仙樓上在青山頂戶外窺數峯塔前對雙井雨
來花盡濕風度松初冷登棧行不疲入谿語彌靜云能
去塵服兼欲事金鼎正直心所存諂諛長自省適知幽
遁趣已覺煩慮屏更愛雲林間吾將卧南頰

廣武懷古

河水城下流登城望彌懷海雲飛不斷岸草綠相接龍
門無舊塲武牢有餘堞扼喉兵易守捫指計何捷天奪
項氏謀卒成漢家業鄉山遙可見西顧淚盈睫

贈李郎中

仙郎早朝退直省卧南軒院竹自成賞階庭寂不喧焚
香開後閣起草閉前門禮樂風流美光華星位尊榮兼
朱紱貴交乃布衣存是日登龍客無忘君子恩

劉晏

劉晏字士安曹州南華人年七歲舉神童累官殿中侍御史遷度支郎中杭隴華三州刺史尋遷河南尹入為京兆尹再拜戶部侍郎舉顏真卿以自代寶應二年遷吏部尚書平章事領度支鹽鐵轉運租庸使坐事罷相諸使如故晏以轉運為已任開三門渠津遺跡歲運米數百萬石以濟關中晏理家儉約而重交敦舊視事敏速乘機無滯在職十餘年權勢之重隣於宰相後為楊炎誣構死詩二首

詠王大娘戴竿

太平御覽云明皇御勤政樓大
張樂羅列百技時教坊有王大

娘者戴百尺竿竿上施木山狀瀛洲方丈令小
兒持絳節出入于其間歌舞不輟時晏以神童

為秘書正字方十歲帝召之貴妃置之膝上為
施粉黛與之中拂令詠王大娘戴竿晏應聲而

作因命牙笏及
黃紋袍賜之

樓前百戲競爭新唯有長竿妙入神誰謂綺羅番有力
猶自嫌輕更著人

享太廟樂章

漢祚惟永神功中興夙驅氣祲天覆黎蒸三光再朗庶

績其凝重熙累葉景命是膺

袁瓘

袁瓘明皇時官贛縣尉詩二首

鴻門行

少年買意氣百金不辭費學劒西入秦結交北遊魏秦
魏多豪人與代亦殊倫由來不相識皆是暗相親寶馬
青絲轡狐裘貂鼠服晨過劇孟遊暮投咸陽宿然諾本
云云諸侯莫不聞猶思百戰術更逐李將軍始從灞陵

下遙遙度朔野北風聞楚歌南庭見胡馬胡馬秋正肥
相邀夜合圍戰酣烽火滅路斷救兵稀白刃縱橫逼黃
塵飛不息虜騎血灑衣單于淚沾臆獻凱雲臺中自言
塞上雄將軍行失勢部曲遂無功新人不如舊舊人不
相救萬里長飄颻十年計不就棄置難重論驅馬度鴻
門行看楚漢事不覺風塵昏寶劍中夜撫悲歌聊自舞
此曲不可終曲終淚如雨

惠文太子挽歌

睿宗之子岐王範也開

元十四年卒贈太子

寒仗丹旄引陰堂白日違暗燈明象物畫水濕靈衣羽化淮王去仙迎太子歸空餘燕銜土朝夕向陵飛

李昂

李昂開元中考功員外郎詩二首

從軍行

漢家未得燕支山征戍年年沙朔間塞下長驅汗血馬雲中恒閉玉門關陰山瀚海千萬里此日桑河凍流水稽洛川邊胡騎來漁陽戍裏烽煙起長途羽檄何相望

天子按劍思北方羽林練士拭金甲將軍校戰出玉堂
幽陵異域風煙改亭障連連古今在夜聞鴻雁南渡河
曉望旌旗北臨海塞沙飛浙瀝遙裔連窮磧立漠雲平
初合陣西山月出聞鳴鏑城南百戰多苦辛路傍死卧
黃沙人戎衣不脫隨霜雪汗馬趨邇長被鐵楊葉樓中
不寄書蓮花劍上空流血匈奴未滅不言家驅逐行行
邊檄賒歸心海外見明月別思天邊夢落花天邊一作落花
迴望何悠悠芳樹無人渡隴頭春雲不變陽關雪桑葉

先知胡地秋田疇不賣盧龍策竇憲思勤燕然石麾兵
靜北垂此日交河渭欲令塞上無干戚會待單于繫頸時

賦戚夫人楚舞歌

定陶城中是妾家妾年二八顏如花閨中歌舞未終曲
天下死人如亂麻漢王此地因征戰未出簾櫳人已薦
風花菡萏落轅門雲雨襄回入行殿日夕悠悠非舊鄉
飄飄處處逐君王閨門向一作玉閨門裏通歸夢銀燭迎來

在戰場相從

一作從未

顧恩不顧已何異浮萍寄深水逐戰

曾迷隻輪下隨君幾陷重圍裏此時平楚復平齊咸陽

宮闕到關西珠簾夕殿聞鐘磬白日秋天憶鼓鼙君王

縱恣翻成誤呂后由來有深妬不奈君王容鬢衰相存

相顧能幾時黃泉白骨不可報雀釵翠羽從此辭君楚

歌芳妾楚舞脉脉相看兩心苦曲未終芳袂更揚君流

涕芳妾斷腸已見儲君

一作謀臣

歸惠帝徒留愛子付周昌

句

耳臨清渭洗心向白雲間

紀事云唐雋秀諸科初皆考功主之開元二十四年昂為

員外主試事昂性剛急集貢士與之約有請託者當首落之既而昂外舅舉進士李權昂召權庭數之且斥其

章句之瑕以辱焉權應曰人或相知竊聞左右非敢求也鄙文不臧既聞命矣執事昔有雅什愚將切磋可乎

昂怒而嬉笑曰有何不可權曰耳臨清渭洗心向白雲間非執事詞耶昔唐堯讓天下于許由由惡聞故洗耳

今天子春秋鼎盛不揖讓於足下而洗耳何哉昂聞駭而起不知所酬訴執政下權吏自後以省郎位輕不足

臨多士以禮部侍郎專之

庫狄履溫

庫狄履溫官尚書員外郎兼充節度判官開元九年宇

文融括田時奏置勸農判官以履溫等二十九人並攝

御史分行天下詩一首

夏晚初霽南省寓直用餘字

時兼尚書郎
節度判官

薄宦因時泰涼宵寓直初沈沈仙閣閉的的暗更徐霽色連空上炎氛入夜除星迴南斗落月度北窗虛待漏殘燈照舍芳襲氣餘寐來冠不解奏罷草仍書幕府慙良策明曹媿散樗命輕徒有報義重更難疎燕廈欣成託鵠行濫所如晨趨當及早復此戒朝車

寇坦

寇坦開元時人詩二首

同皇甫兵曹天官寺浴室新成招友人賞會

溫室歡初就蘭交托勝因共聽無漏法兼濯有為塵水
潔三空性香沾四大身清心多善友頌德慰同人

同張少府和庫狄員外夏晚初霽南省寓直時

兼充節度判官之作

黃綬歸休日仙郎復奏餘晏居當夏晚寓直會晴初露

散星文發雲披水鏡虛高才推獨唱嘉會喜連韶月色
搖春闌香煙靄暝廬千門傳夜警萬象照階除少孺嘉
能賦文強閥賜書兼曹謀未展入幕志方撫為奉靈臺
帛恭先待漏車貞標不可仰空此樂樵漁

李休烈

李休烈開元中洛陽尉詩一首

詠銅柱

天門街裏倒天樞火急先須卸火珠計合一條絲線挽

何勞兩縣索人夫

長壽三年武后建銅柱謂之天樞開元中詔毀先是有訛言云一條絲挽

天樞故休

烈詩及之

御定全唐詩卷一百二十

欽定四庫全書會要卷一萬七千五百二十六

集部

御定全唐詩卷一百二十一

李林甫

李林甫高祖從父弟之孫初為千牛直長其舅姜皎深愛之開元初遷太子中允與源乾曜有姻親乾曜執政其子絜為林甫求司門郎中乾曜薄其為人不許後宇文融引為御史歷吏部侍郎執政薦其有宰相才即拜黃門侍郎平章事再進兵部尚書尋代張九齡為中書

集賢殿大學士林甫性沈密城府深阻多猜忌能陰中人秉鈞二十年朝野側目素寡學術其題尺皆郭慎微苑咸代為之今存詩三首

送賀監歸四明應制

挂冠知止足豈獨漢疏賢入道求真侶辭恩訪列仙睿文含日月宸翰動雲煙鶴駕吳鄉遠遙遙南斗邊

奉和聖製次瓊岳應制

東幸從人望西巡順物回雲收二華出天轉五星來十

月農初罷三驅禮復開更看瓊岳上佳氣接神臺

秋夜望月憶韓席等諸侍郎因以投贈

秋天碧雲夜明月懸東方皓皓庭際色稍稍林下光桂華澄遠近璧彩散池塘鴻雁飛難度關山曲易長揆予秉孤直虛薄忝文昌握鏡慚先照持衡媿後行多才衆君子載筆久詞場作賦推潘岳題詩許謝康當時陪宴語今夕恨相望願欲接高論清晨朝建章

楊炎

楊炎字公南鳳翔人初為河西節度掌書記拜起居舍人歷禮部郎中遷中書舍人與常袞並掌綸誥袞長於除書炎善於德音時稱常楊進吏部侍郎坐附元載貶道州司馬德宗即位崔祐甫薦其文學器用上亦自聞其名拜門下侍郎同平章事再貶崖州司馬炎初奏請內府租賦仍歸左藏庫及定兩稅法頗有嘉聲專政後惟務報讐構害意為愛憎卒至賜死集十卷今存詩二

首

流崖州至鬼門關作

一去一萬里千知千不還崖州何處在生度鬼門關

贈元載歌妓

雪面淡眉天上女鳳簫鸞翅欲飛去玉山翹翠步無塵

楚腰如柳不勝春

杜陽雜編云載寵姬薛璫美玉質香肌善歌舞唯炎及賈至與載善得見

炎作長歌贈之今不全

元載

元載字公輔岐山人嗜學好屬文以明莊老文列四子

之學策入高科初授新平尉歷度支郎中肅宗嘉其奏
對委以國計充使江淮都領漕輓俄遷戶部侍郎度支
使并諸道轉運使以附李輔國遷中書侍郎同平章事
排去忠良引用貪猥大歷中以賄敗伏誅集十卷今存
詩一首

別妻王韞秀

王忠嗣鎮太原以女韞秀歸載久而見輕於王之親屬韞秀勸之遊

學因為詩
別之入秦

年來誰不厭龍鍾雖在侯門似不容看取海山寒翠樹

苦遭霜霰到秦封

陳希烈

陳希烈宋州人長於名理開元中於禁中講老易累遷至秘書少監代張九齡專判集賢院事明皇凡有撰述必經其手李林甫知上睠待乃引為宰相寵遇侔於林甫後為楊國忠所嫉罷知政事祿山之亂受偽命為中書令論陷賊罪當死肅宗以舊恩特原之長流合浦郡

詩三首

賦得雲生棟梁間

一片蒼梧意氤氳
生棟梁下簾山足暗
開戶日添光偏使衣裘潤
能令枕簟涼無心伴行雨
何必夢荆王

奉和聖製三月三日

上已迂龍駕中流泛羽觴酒因朝太子詩為樂賢王錦
纜方舟渡瓊筵大樂張風搖垂柳色花發異林香野老
歌無事一作無公事朝臣飲歲芳皇情被羣物中外洽恩光

省試白雲起封中

千年泰山頂雲起漢王封不作奇峰狀寧分觸石容為
霖雖易得表聖自難逢冉冉排空上依依疊影重素光
非曳練靈貺是從龍豈學無心出東西任所從

張漸

張漸循之從子也天寶中楊國忠辟為幕佐與竇華宋
昱鄭昂魏仲犀同列官至翰林學士國忠敗坐誅詩一

首

朗月行

朗月照簾幌清夜有餘姿洞房怨孤枕挾琴愛前墀萱
草已數葉梨花復徧枝去歲草始榮與君新相知今年
花未落誰分生別離代情難重論人事好乖移合比月
華滿分同月易虧虧月當再圓人別星隕天吾欲竟此
曲意深不可傳歎息孤鸞鳥傷心明鏡前

宋昱

宋昱天寶中為中書舍人以附楊國忠貲產甚富為亂
兵所殺詩三首

曉次荊江

孤舟大江水水涉無昏曙雨暗迷津時雲生望鄉處漁翁閒自樂樵客紛多慮秋色湖上山歸心日邊樹徒稱竹箭美未得楓林趣向夕垂釣還君從落潮去

題石窟寺

魏孝文
所置

梵宇開金地香龕鑿鐵圍影中羣象動空裏衆靈飛簷彌籠朱旭房廊挹翠微瑞蓮生佛步瑤樹挂天衣邀福功雖在興王代久非誰知雲朔外更覩化胡歸

樟亭觀濤

濤來勢轉雄獵獵駕長風雷震雲霓裏山飛霜雪中激
流起平地吹滂上侵空翕闢乾坤異盈虛日月同艅艎
從陸起洲浦隔阡通跳沫噴巖翠翻波帶景紅怒湍初
抵北却浪復歸東寂聽堪增勇晴看自發蒙伍生傳或
謬枚叟說難窮來信應無已申威亦匪躬衝騰如決勝
迴合似相攻委質任平視誰能涯始終

欽定四庫全書
唐詩卷一百二十二

御定全唐詩卷一百二十二

盧象

盧象字緯卿汶水人開元中由前進士補秘書郎轉右衛倉曹掾丞相張九齡深器之擢左補闕河南府司錄司勲員外郎名盛氣高少所卑下為飛語所中左遷齊邠鄭三郡司馬入為膳部員外郎祿山之亂象受偽署貶永州司戶起為主客員外郎道病卒集十二卷今編

詩一卷

贈程秘書

客自岐陽來吐音若鳴鳳孤飛畏一作栗不偶獨立誰

見用忽從被褐中召入承明宮聖人借顏色言事無不

通殷勤拯黎庶感激論諸公將相猜賈誼圖書歸馬融

顧余今一作久寂寞一歲麒麟閣且共歌太平勿嗟名宦

薄

家叔徵君東溪草堂二首

開一作關

山十餘里青壁森相倚欲識堯時天一作入東溪

白雲

一作足

是雷聲轉幽壑雲氣杳流水

一作表裏相

澗影生

龍

蟲一作

蛇巖端翳腥梓

一作杞

大道終不易君恩曷能已

鶴羨

一作笑

無老時龜言攝生理浮年笑六甲元化潛

指未暇掃雲梯空慙阮氏子

今朝共遊者得性閒未歸已到仙人家莫驚鷗鳥飛水
深嚴子釣松挂巢父衣雲氣轉幽寂溪流無是非名理
未足羨腥臊詎所希自惟負貞意何歲當食薇

鄉試後自輦還田家因謝鄰友見過之作

雞鳴出東邑馬倦登南巒落日見桑柘翳然丘中寒鄰
家多舊識投暝來相看且問春稅苦兼陳行路難園場
近陰壑草木易凋殘峰晴雪猶積澗深冰已團浮名知
何用歲宴不成歡置酒共君飲當歌聊自寬

青雀歌

啾啾青雀兒飛來飛去仰天池道遙飲啄安涯分何假
扶搖九萬為

雜詩二首

家居五原上征戰是平生獨負山西勇誰當塞下

一作上

名死生遼海戰雨雪薊門行諸將封侯盡論功獨不成
君家御溝上垂柳夾朱門列鼎會中貴鳴珂朝至尊死
生在片議窮達由一言須識苦寒士莫矜狐白溫

贈廣川馬先生

經書滿腹中吾識廣川翁年老甘無位家貧懶發蒙入
歸沫泗學歌盛舞雩風願接諸生禮三年事馬融

峽中作

高唐幾百里樹色

一作雲樹

接陽臺晚見江山霽宵聞風雨

來雲

一作雷

從三峽起天向數峰開靈境信難見輕舟那

可回

竹里館

江南冰不閉山澤氣潛通臘月聞山鳥寒崖見蟄熊柳
林春半合荻筍亂無叢回首金陵岸依依向北風

永城使風

長風起秋色細雨含落暉夕鳥向林去晚帆相逐飛蟲
聲出亂草水氣薄行衣一別故鄉道悠悠今始歸

和徐侍郎叢篠詠

一作蔣
漢詩

中禁夕沈沈幽篁別作林色連雞樹近影落鳳池深為
重凌霜節能虛應物心年年承雨露長對紫庭陰

駕幸溫泉

傳聞聖主幸新豐清蹕鳴鑾出禁中細草

一作佳氣

終朝隨

步輦垂楊幾處繞行宮千官扈從驪山北萬國來朝渭

水東此日小臣徒一作從獻賦漢家誰復重楊雄

奉和張使君宴加朝散

佐理星辰貴分榮渙汗深言從大夫後用答聖人心騎
擁軒裳客鸞驩翰墨林停杯歌麥秀秉燭醉棠陰爽氣
凌秋笛輕寒散暝砧祇應將四子講德謝一作識知音

贈張均員外

公門世緒一作業昌才子冠襄王出自平津邸還為吏部

郎神仙餘氣色列宿動一作助輝光夜直南宮靜一作近

朝趨北禁長時人歸

一作窺

水鏡明主賜衣裳翰苑飛鸚

鵠天池待鳳凰承歡

一作欣

疇日顧未紀

一作記

後時傷去

去圖南遠微才幸不忘

送祖詠

田家宜伏臘歲晏子言歸石路雪初下

一作荒村山

一作雞共

飛東原多

同

煙火北止澗隱寒暉滿酌野人酒倦聞鄰

女機胡為困

一作因

樵采幾日罷

一作解

朝衣

送綦母潛

夫君不得意本自滄海一作江來高足未云騁虛舟空復

迴淮南楓葉落灞岸桃花開出處暫為耳沈浮安繫哉

如何天覆物還遣世遺才欲識秦將漢嘗聞王與襄離

筵對寒食別雨乘春雷會有徵書到荷衣且一作莫漫裁

送趙都護赴安西

下客一作結髮候旌麾元戎復在斯門

一作文

開都護府

兵動羽林兒黠虜多翻覆謀臣有別離智同天所授恩
共日相隨漢使開賓幕胡笳送酒卮風霜迎馬首雨雪

事魚麗上策應無戰深情屬載馳不應行萬里明主寄

安危

追涼歷下古城西北隅此地有清泉喬木

一本題上

有同李北
海四字

謝朓出華省王祥貽佩刀前賢真可慕衰病意空勞貞
悔不自卜遊隨共爾曹未能齊得喪時復誦離騷閒蔭
七賢地醉餐三士桃蒼苔虞舜井喬木古城壞漁父偏
相狎堯年不可逃蟬鳴秋雨霽雲白曉山高咫尺傳雙

鯉吹噓借一作落一毛故人皆得路誰肯念同袍

戲贈邵使君張郎

少婦石榴裙新妝白玉面能迷張公子不許時相見

同王維過崔處士林亭

映竹時聞轉轆轤當窗只見網蜘蛛主人非病常高卧
環堵蒙籠一老儒

寄河上段十六

一作王維詩

與君相識

一作見

即相親聞道君家住

一作在

孟津為見行

舟試借問客中時有洛陽人

寒食

子推言避世山火遂焚身四海同寒食千秋為一人深
冤何用道峻跡古無隣魂魄山河氣風雷御寓神光煙
榆柳滅怨曲龍蛇新可歎文公霸平生負此臣

八月十五日象自江東止田園移庄慶會未幾

歸汝上小弟幼妹尤嗟

一作悲

其別兼賦是詩三

首

俱見王維集第一首題云休假還

舊業第二第三首題云別弟妹

謝病始告歸依然入桑梓家人皆佇立相候衡門裏疇

類一作時輩皆長年成人舊童子上堂家一作嘉慶畢願與親

姻通齒一作齒論舊或餘悲思一作目存且相喜田園轉蕪沒

但有寒泉水衰柳日蕭條秋光清邑里入門乍如客休

騎非便止中飲一作飯顧王程離憂從此始

兩妹日長成雙鬟將及人已能持寶瑟自解掩羅巾念

昔別時小未知疎與親今來識離恨掩一作拭淚方殷勤

小弟更孩幼歸來不相識同居雖漸慣見人猶默默宛

作越人言

一作語

殊鄉甘水食別此最為難淚盡有餘憶

歎白髮

一作維詩

句

吳越山多秀新安江甚清

見河獻
英靈集

書名會粹才偏逸酒

號屠蘇味更醇

贈鄭虔
見唐詩

林初疑輕煙淡古松又似山開

萬仞峯


贈懷素
顏真卿序

見

御定全唐詩卷一百二十二

謹案卷一百十八第九頁前三行驛道青楓外刊

本青訛清據別本改





總校官庶吉士臣張能照
校對官檢討臣蕭九成
謄錄貢生臣郭棣泰

欽定四庫全書叢要

集部

御定全唐詩卷一百三十五

三五

詳校官員補通政司經歷臣郭祚熾

欽定四庫全書
欽定全唐詩

欽定全唐詩集部

御定全唐詩卷一百二十三

盧鴻一

新唐書
作盧鴻

盧鴻一字浩然范陽人徙家洛陽少有學業頗善籀篆楷隸隱於嵩山開元中以諫議大夫召鴻一固辭乃聽還山詩十首編為一卷

嵩山十志十首

草堂

草堂者蓋因自然之谿阜前當墉洫資人力之締構後加茅茨將以避燥濕成棟宇之用昭簡易叶乾坤之德道可容膝休閒谷神同道此其所貴也及靡者居之則妄為剪飾失天理矣詞曰

山為宅兮草為堂芝蘭兮薦房羅靡蕪兮拍薜荔峩壁兮蘭砌蘿蕪薜荔兮成草堂陰陰邃兮馥馥香中有人兮信宜常讀金書兮飲玉漿童顏幽操兮不易長一作長不

揚

倒景臺

倒景臺者蓋太室南麓天門右崖傑峯如臺氣凌
倒景登路有三處可憩或曰三休臺可以邀馭風
之客會絕塵之子超逸真盪遐襟此其所絕也及
世人登焉則魂散神越目極心傷矣詞曰

天門豁兮仙臺聳傑屹崕兮零一作雲湧湧窮三休兮曠
一觀一作覩忽若登崑崙兮中期汗漫仙聳天闕一作開兮

倒景臺濛一作穎氣兮軼囂埃皎皎之子兮自獨立雲

可朋芳輶可吸曾何榮辱之所及

樾館

樾館者蓋即林取材基顛柘架茅茨居不期逸為
不至勞清談娛賓斯為尚矣及盪者鄙其隘閒苟

事宏涵垂其賓矣詞曰

紫巖隈芳青磯側雲松煙蔚芳千古色芳蘿蘿芳蔭蒙
龍幽人構館芳在其中蘿蘿蒙龍芳開樾館卧風霄芳

坐輶

一作
緒

旦粵有賓芳時戾止樵蘇不爨芳清談一本
下

有而
字已永歲終朝芳常若此

枕煙庭

枕煙庭者蓋特峯秀起意若枕煙祕庭凝虛宵若仙會即揚雄所謂爰靜神游之庭是也可以超絕紛世永潔精神矣及機士登焉則寥闊恍愁懷

情累矣詞曰

臨決漭兮背青熒吐雲煙兮合宵冥悅歛翕兮沓幽靄意縹渺兮羣仙會宵冥仙會兮枕煙庭竦魂形兮凝視

聽聞夫至誠必感兮祈此巔契一作潔顥氣養丹田終彷

像兮覩靈仙

雲錦淙

雲錦淙者蓋激溜衝攢傾石叢倚鳴湍疊濯一作浪

噴若雷風詭輝分麗煥若雲錦可以瑩發靈矚幽
既忘歸及匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駁犖兮草夤緣
芳羃羃兮瀨濺濺石攢叢兮雲錦淙波連珠兮文沓絳

有潔冥一作員

者媚此幽澈靈液芳樂天休寶獲我心兮

夫何求

期仙磴

期仙磴者蓋危磴穹窿迴接雲路靈仙鬢若可
期及儒者毀所不見則黜之蓋疑冰之談信矣詞

曰

霏微陰壑芳氣騰虹迤邐危磴芳上凌空青霞杪芳紫
雲垂鸞歌鳳舞芳吹參差鸞歌鳳舞芳期仙磴鴻駕迎

芳瑤華贈山中人芳好神仙想像聞此芳欲升煙鑄月
煉液芳竚還年

滌煩磯

滌煩磯者蓋窮谷峻崖發地盤石飛流攢激積漱
成渠潔性滌煩迥有幽致可為智者說難為俗人

言詞曰

靈磯盤礴芳溜奔錯漱冷風芳鎮冥壑研苔滋芳泉珠
潔一飲一憩芳氣想滅磷連清淬芳滌煩磯靈仙境芳

仁智歸中有琴兮徽以玉峩峩湯湯兮彈此曲寄聲知
音兮同所欲

幕翠庭

幕翠庭者蓋崖巒積陰林蘿杳翠其上縵幕其下
深湛可以王神可以冥道矣及喧者遊之則酣謳

永日汨清薄厚詞曰

青崖陰兮月矇曲重幽疊邃兮隱淪躅草樹一作附縵
幕兮翠蒙龍當其無兮庭在中當無有用兮幕翠庭神

可谷芳道可冥有幽人芳張素琴皇徽芳綠水陰德之

惜芳淡多忘

一作 心

洞元室

洞元室者蓋因巖作室即理談玄室返自然元斯
洞矣及邪者居之則假容竊次妄作虛誕竟以盜

言詞曰

嵐氣肅芳巖翠冥

一作 番

空

一作 室

陰虛芳戶芳迎

一作 西

披

一作

蕙帳子促蘿筵談空空芳覈元元蕙帳蘿筵芳洞无室

祕而幽兮真可一作且吉返自然兮道可冥澤妙思兮草

立經結幽門兮在黃庭

金碧潭

金碧潭者蓋水潔石鮮光涵金碧巖葩林葛有助
芳陰鑿空洞虛道斯勝矣而世生纏乎利害則未

暇遊之詞曰

水碧色兮石金光灔熠熠兮深湟湟泉葩映兮煙葛臨
紅灼灼翠陰陰翠相鮮兮金碧潭霜天洞兮煙景涵有

幽人芳好冥絕炳其煥兮凝其潔悠悠千古芳長不滅

御定全唐詩卷一百二十三